

Paerewa Paetae

Aronga Hauora 1.3

Ingoa Te whakaatu māramatanga mō te kaitiakitanga

Kaupae 1 **Whiwhinga** 4 **Aromatawai** Ā-waho

Marau akoranga Te Marautanga o Aotearoa

Kokonga akoranga Hauora

Mana rēhita **Te rā i mana ai**

Te rā e arotakengia ai **Te rā i puta ai**

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātaraunga i te tau 2017.

Whāinga Paetae

Taiao, Hononga ki a Ranginui rāua ko Papatūānuku

1 *Ka arotake i te whaihua o ngā mahi me ngā tikanga a tētahi rōpū kaitiaki taiao*

Taiao, Hononga ki ētahi atu Taiao

2 *Ka tūhura i te mahi me ngā tikanga whaihua o te rohe, o te motu hei whakatairanga i te noho ora o te tangata me te noho haumarua i roto i ngā taiao.*

Tangata, Huatau o te Whanangatanga

3 *Ka whakaatu i tōna mārama ki ngā āhuatanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Paearu Aromatawai

Arā ngā Paearu Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te whakaatu māramatanga mō te kaitiakitanga.</p>	<p>Hei tohu i te paetae:</p> <ul style="list-style-type: none"> • Ka tautohu i ngā āhukatanga matua o te kaitiakitanga me te hononga ki te oranga.
<p>Kaiaka He kaiaka te whakaatu māramatanga mō te kaitiakitanga.</p>	<p>Hei tohu i te kaiaka:</p> <ul style="list-style-type: none"> • Ka whakaahua i ngā āhukatanga matua o te kaitiakitanga me te hononga ki te oranga.
<p>Kairangi He kairangi te whakaatu māramatanga mō te kaitiakitanga.</p>	<p>Hei tohu i te kairangi:</p> <ul style="list-style-type: none"> • Ka whakamārama i ngā āhukatanga matua o te kaitiakitanga me te hononga ki te oranga.

Kōrero Āpiti

- 1 E whai ake nei ngā whakamārama mō ngā kupu me ngā kīanga whai take matua o te paerewa nei:

kaitiakitanga	Ko ngā āhautanga o te āta tiaki i te taiao me ōna rawa, tae noa ki ngā taonga tuku iho, i runga anō i te tirohanga Māori.
ngā āhukatanga matua o te kaitiakitanga	<p>Koia nei ētahi āhukatanga e pā ana ki te kaitiakitanga:</p> <ul style="list-style-type: none"> • te mauri me te tapu • te āhua/tikanga o te kaitiakitanga o mua, o nāianeī hoki • Ko wai ngā kaitiaki? E tiaki ana i te aha? • te mana whenua, te ahi kā • te mana whakaheke/te mana tūpuna • te whakapapa • ngā rāhui • ngā ture o nāianeī, pēnei i Te Ture Whakahaere Rawa.
hononga ki te oranga	<p>Koia nei ētahi:</p> <ul style="list-style-type: none"> • te pānga ki te mana, ki te kawenga o te whānau, o te hapū, o te iwi ko rātou ngā kaitiaki • te whakaora ake i te kaitiakitanga hei tikanga tuku iho • te pupuri ki ngā tikanga tuku iho a te iwi, a te hapū, a te whānau • te pānga ki te mauri o te whenua, o te taiao • te pānga ki ngā uri whakaheke.

tautohu	Ka whiriwhiri, ka whakaaro he aha ngā tino o tētahi kaupapa, o tētahi āhukatanga rānei e aronuitia ana. Ka taunakitia ngā whakaaro.
whakaahua	Ka whiriwhiri, ka whakaaro he aha ngā tino o tētahi kaupapa, o tētahi āhukatanga rānei e aronuitia ana. Ka taunakitia ngā whakaaro. Ka mutu, ka āta kōrerohia ngā taipitopito.
whakamārama	Ka whakatau he aha ngā tino o tētahi kaupapa, o tētahi āhukatanga rānei e aronuitia ana. Ka āta taunakitia ngā whakaaro. Ka mutu, ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

Kuputaka

Te Ture Whakahaere Rawa
mana whakaheke
mana tūpuna
uri whakaheke

Resource Management Act
inherited status, mana through descent
power through descent
descendant

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233